



康對山先生文集


第六冊

^ 16
2796
6



門 16
2796
卷 6

康對山先生文集卷之十



後學

同邑孫景烈孟揚選次
長白瑪星阿景謙叅閱



王應槐兆三

邑後學耿性直伯正校張書紳公佩分校

何瑞雲卿

七言古詩

懷金可卿

憶昔與君別倏忽今十年不能見顏色徒存秋夕篇
展玩淚沾臆相思隔萬川男兒奮迅雖有時歎息君

昭和十九年
六月二十八日
購求

才誠絕絃豎儒僅能誦章句騰踏青雲凌鉅賢珍味
安能通俗口廣陵之散誰可傳罕山金可卿三原馬
谿田徒使高名貫星斗科場不售惟我憐昔也令人
羨三鳳今我孤鶩情惘然相如既有凌雲賦詎待吹
噓方上天

送馬天瑞還京

庚申長安一見君知君氣蓋千人軍正德八年定蜀
賊延綬健兒如虎奔此時天子方西顧名公才將如
雲屯君從制帥適經過老眼拂拭知有人果然三月
破綿漢遂令巴蜀無風塵向也王師亦嘗奮山東河
北根株盡豈係將軍紀律疎由來戰士驍騰斬掃蕩
寧夸廖賊收笑談直羨終耶俊渭水泰山壯氣廻金
臺恒嶽益崔嵬相逢意氣還如昔愧爾經邦濟世才

秋風詞

長安道上秋風起吹入青門草靡靡客子攜琴燕趙
來一感秋風心欲死鳴鞭躍馬過我前那堪杯酒重
留連酒酣氣發百志奮談笑須臾空百年坐中歎爾
壯士心人事何勞問古今張倉亦能論刑法君平徒
然卜六壬仲尼治國苦不稱曾參事母猶難信時勢
摧人著處生其難遇抑常遲鈍南山磊磊雲氣橫寒

泉湔湔終日鳴請君拂袖謝人世與爾常爲谷口耕

秋雨吟

十日一晴晴復陰
細雨何浸淫山根泥滑寸薪
苦水面苔生平地深神怒天摧或如此已看百穀半
將死饑寒盜賊着處生誅斬番憂亂兵起徵求無度
民自難諸公徒爾嘆微官豺狼當道捕不得三公列
卿何足觀忽憶成化甲辰歲公私充國網維繫皇帝
臨軒發禁錢細民尚作溝壑斃况復艱難至此時九
重深嚴那得知臺諫徒陳利害策閭閻不見寧息期
斗粟尺布命所直吏促官輪轉相逼甘肅縱橫土魯
番商洛紛紜織染給中丞受詔不敢來此地生靈一
何極嗚呼斯民天所生州縣相看何大輕祖宗宏業
振千古陛下神武復英明一朝收取壞事者會見爾
曹雙眼清

送吳慎之令銅梁

憶昔與子遊鄉學短褐影影俱總角千人過眼無
堪私擬君才當穎脫以茲常聽萬里鳴豈意蕭條飯
場藿我昔應時官翰林世間名士空相博轉覺君才
近所無垂老科場意羞縮奮迅因求勾漏閑聲華
今非昨苟能行事何足猜丈夫要見青天闊國家

名公不可數俱向專城事民瘼君不見漢庭黃霸與
魯恭至今名譽振天地何況當時爲列公

寄張士元

黃金臺上雲依依黃金臺下水瀾瀾臣今萬里去辛
苦安可辭但願陛下壽萬歲使臣萬里無遺思祖宗
洪業際天地尺地皆土人咸臣之斬刈流徙惟上所
爲遐方炎炎有肉不可食有酒不可卮况臣侍從邇
文墀心之彷徨豈在此惟願陛下有長期陛下神聖
古帝少臣心不爲遐方老

瑞州太守行

瑞州太守鄜廷瑞瑞至之日賊乃驚手無寸鐵兵衛
空健兒聞驚皆逃避郡吏不敢更趨承苦諫當虞身
後事四境安危係此身太守一逃何以徇當衙一呼
士爭奮始信英雄氣有神賊兵星散城已保轉顧因
知寇所巧樊破毀柵斂近民賊失所資如逝鳥至今
瑞郡立生祠君與劉周如在茲丈夫尋常薄鍾鼎毀
譽升沉何足疑嗟嗟貝錦者誰子謗君翻使君名起
蓋棺事定古所傳才去幾時民若此天道恢恢監獨
明區區庶子胡爲爾

夜宴孝夫宅

對山文集 卷之一
四
憶昔正統天順間渭南薛丈同先子關內通稱夫子
名二老實爲天下士以此通家數十年善行嘉言時
在耳後嗣全如兄弟親前修自篤謙恭禮往歲逢君
巴蜀歸厚意遙遙還若此愧我疎慵未敢當聞君談
論心私喜盛世自宜英邁人迂儒豈識經綸理蕭望
難居侍從官賈生肯與絳灌比司馬逍遙忽見疑誰
知中道生萋斐治郡無能返異才看花尚切羣公齒
邱壑徒深社稷憂廟堂獨忍乾坤否春暮閑遊少華
峯逢迎幸辱賢橋梓握手那知感慨生酣歌不覺希
聲起君臣之義君莫忘還期三月下和陽用舍自爲

大臣事顯晦豈爲吾道妨君不見崑崙黃河天上來
銀濤雪浪如山摧不遺涓滴盡入海誰謂海門開不
開

與呂子發澣西

蒼雲爛白日長並轡遊辭曲房君去不來我心傷山
寂寂閒無侶愁檢故詩歷孤嶼孤嶼亭亭當大河下
有萬尺之洪波洪波萬尺有時盡此意悠悠君若何

夾河戰

故崇安侯譚淵隨文廟內靖至夾河御幄有
虎來犯淵引弓射虎死明日大戰淵死疑虎

爲淵元身謂不可射歸諸理作夾河戰

夾河戰事已亟張御幄虎來逼將軍怒目射虎死來
日沙場身且殪元身之說古亦有將軍之射乃其守
可使身後殪毋使虎前走君不見軍中壯士空千萬
倉卒虎至無人見眼底不知報主恩何況明朝夾河
戰

傷軹

軹可久之子族之子姓莫強焉讀書習禮駘
爲成人倏爾告亡涕泗交頤哭之以詩志予
傷也

吾宗有孫子玉質光嶙峋總好紙墨事敏捷如有神
溫克過諸父私爲予所珍緝學綠野忘寒暑奮志直
欲追先民大美不竟乃天折使我痛哭聞者辛汝死
不復作我哀誰可陳少年弱冠隨鬼錄爺孃兄弟哭
聲直上千清旻埋玉於土幾時出荒郊日落惟孤墳
孤墳三尺生秋草愁殺東西南北人

秋雨嘆

去年秋雨苦淋瀝今年淋瀝更無敵自從初一漲潦
河至於初七聲逾激浸淫若遣太華崩轟虺豈但平
川汨百穀腐爛莎草長惟有芙蓉水中直

崩牆壞壁人夜號比鄰處處通波濤明燈執傘待天
曙片雲浮來聲益號富家或能飽鷄黍嗟嗟柰此貧
兒曹拽椽爲薪麩爲粥斗粟千錢肯相鬻
原上官道泥已深原下卑濕人怎禁四方極目盡明
水野菜可食何處尋緬塗匍匐寡筋力賓客逢迎甚
胸臆安得大禹鑿九州更使蒼生免昏匿
此雨初晴人亦狂爲能洗却煩蒸涼那知狼藉遂如
此積陰鬱鬱行坐妨兒童階下戲舟楫風動檣帆行
獵獵不知何日墜蓮房亂向波心逐蓮葉

寄滕子冲

戊辰與子別京國一別十年如頃刻野人心性百事
慵尺書未入揚雄宅丈夫豪氣九鼎輕六品微官有
何得吾子風流近代稀新詩首首追曹植鵬飛鳳翥
變化殊龍挂蛟騰果安極有懷欲語誰可知尋常思
汝心如塞山東李夢弼河間李宗易人來往往寄我
書兼有篇詩如絡繹民懷昨日信亦至獨怪爾錫非
曩昔直卿山西消息無粹夫河內聲尤赫數君才名
先後無義氣上與雲霄浮愧我齷齪只飲酒未能仿
彿身後圖前日客從滄西過歷誦諸君有程課此意
蕭條久不聞私心豈但同年賀廊廟山林各有懷好

景不常時易蹉願君努力思古人人生當作萬年身
有才上可報明主坐令四海承經綸濟西山水亦非
惡斷壁懸崖何磊落終南太白走其下清渭沂漳面
相錯秋來朝夕雲氣橫喬木森森鳴鳥雀中情伴與
何所櫻舊日粗豪心漸薄或向西河學釣魚或向東
原訪隱居割鷄飲如壑跣足蓬頭奚愧怍譬如野鷺
山鷄被樊縶一朝脫翅向空山玉柱金薨肯輕集達
亦無所歡窮亦無所苦我曹心事久不白禿穎安能
爲君數去年二月經紫閣惟石驚湍陞天姥其下一
里秦草堂古人題詠橫如堵此時思欲與君遊擊筑
徜徉歌石鼓或時策杖瀑布間或時坐遠臨高岵此
意寥寥不復同因君歎息淚如雨

李節婦歌

鄉縣士大夫欲旌李銳妻之節南里子用之
引紀叔姬卒鄗之事謂不在厥居因賦小詩
辯焉齊之圖紀也紀侯命弟紀季以鄗入齊
求後於五廟由紀侯去國之後又八年而紀
侯死叔姬以紀宗廟由鄗始返而居鄗以奉
紀祀蓋有鄗則姬得以死國與銳妻欲死家
而不可得者其事萬不同也而以此例之哉

善山文集 卷之十
八
銳死父文圓挈家就選遂盡賣其田宅當是
時銳妻雖欲如叔姬之居鄒得乎成化甲辰
之厄關中老弱相食父子兄弟散於四方雖
婦人無歸義當歸之宗國父母既死兄弟蕩
然無存幸伯兄喬祿在故銳妻往祿雖借賃
而居亦異諸他人之室也今以叔姬之事例
之不知節婦之事於叔姬何不同也叔姬邦
君之夫人有與君同死社稷之義節婦庶民
之妻居無定業朝賃夕改又上制於舅姑跡
雖不同而心事一也夫道以無垢是尊婦以
潔身爲操聖人之立教求其如是而已人豈
不欲盡年夫室以明婦人之義哉然翁姑怒
而去矣田宅盡矣欲死則弱息在抱圖存則
兄弟具遠加以年歲饑饉死者相藉使叔姬
於此亦將若之何哉婦人不出閨門竇氏二
女死於巖下彼巖下豈其家也苟無汚其身
而已矣此庶人之妻安可與邦君夫人比也
匡章之不孝非孟子之辯後世何明大抵予
之所著憂君子之論不明于時而已

武功節婦李銳妻節操直與青天齊夫子舅姑苦欲

嫁不從見逐何所棲阿舅宦去賣田畝妻孥俱作燕
臺走悲號隕絕夫塚邊血淚如波心欲剖遺息在抱
求死難欲守夫家豈能守吞聲自賃宗人居夜紡績
織苟餬口辛勤匍匐二十載息兒成長爲人婦三十
年餘舅死官姑來置屋比舊寬小叔家口自逼仄豈
容老嫗供姑食紀侯去國紀季在叔姬故與鄒宗對
先後不免舅姑嗔立錐無地腸空碎小叔近又賣新
屋西入汧陽不復東身計蕭條兄弟疎安得不就寡
女宿庶民自與邦君殊貧人賃傭何弗居南里豸史
苦執禮豈未盡諳胡氏書莊公元年紀已拔宗廟所
繫情難恕三年遣季存餘劬吾君旣死身安極所以
歸鄒死宗廟謂鄒如紀心所悼秦人鮮義自古然父
子尚有耰鋤較尋常豈異不顧親區區嫠婦爾何人
聶孝婦歌

姑未老夫已亡事姑惟恐姑心傷妾幸不死得事姑
姑病經年惟妾扶但得姑好妾常侍那惜此身成骨
枯可憐阿母死時語願汝有婦還似汝不見賢郎喪
汝時三載居廬不出戶

十九日卽事

養雛自恨羽翼短翼長飛去豈思返老烏目斷東南

對山文集 卷之十
枝日青天一何遠尾秃唇焦徒自啼啼殺老烏雛
詎知願雛養雛還勝雛慎勿齷齪如老烏

四月三日雨示德充

昨日有雨塵不洒今日雨多雲更長遙天四望無寸
碧野人稼穡何所妨頃聞江淮人相食父子不保况
路傍關中雖無橫盜苦邊餉轉輸日相望麥豆半爲
風雨蝕我秋未布人皇皇晨興東出望雲氣晴天赤
日心自傷千歎萬息日將昃天風不動簾影黑須臾
雨脚下平地厖喧何啻萬馬力向夕雖看懸溜微達
且霏霏雨如織喜聞優渥遍九土倏忽之間信難測
天地之德本好生大塊豈厭物生成人身痞逆百體
帶氣運所生誰可明豐年弗儉歉時極却與造化生
攬捨安得官長息雜役令此黔首俱深耕禁侈薄歛
久自足何必義倉與長平

西谿醉歌

西谿草堂春水深西谿主人谿上吟割鷄把酒勸客
醉少小幾時衰老侵朱顏白日休自負請君試看芳
春林我聞此語倍感激世上幾人如此心明朝何不
出美酒更與東眺華山岑

示昭允及桐方等

對山文集 卷之十一
爲學不努力瞬息棄前功老夫衰境倦筋骨安能久
坐空庭中徘徊不見朗誦人迤邐豈羞長跪同昨日
街頭黃髮兒今已倏忽成老翁諄諄念汝理不達切
切寧爲虞困窮此心逐物返自易勉哉莫作長匆匆

題王秀才牡丹圖

何日到吾家牡丹應著花開圖一見興已發遙似當
年宴紫霞雕欄不受春風抑綠葉紅粧舞風力終日
廻旋不肯休根株苦被丹青匿遠路遄洄銷客心夢
魂惟在草堂陰牡丹牡丹吾語汝三月八日始穀雨

長安壽趙封君歌

客向華山去過宿長安坊明日復延佇大醉使君堂
使君之父松鶴翁銀髯雪鬢來從容見我更取大斗
出一飲已傾三百鍾匆匆數語見胸次四座通看獨
神異此翁本是天上人世間圖畫空相似徂徠之松
千尺長終日紛紛雲氣翔南極老人跨鶴至其下可
許尋常當翁言明日是初度滿庭賓客如煙霧使君
自喜春日長天際誰知有仙婺靈藥閃爍堆玉盤持
以贈翁翁自看一粒便可八千歲幾度咲觀滄海乾
我執翁手爲翁語世上如翁幾人許生兒不忝杜與
房舉手爭看橋共梓羣仙今日上翁堂何以贈之雲

對山文集 卷之十 三
錦章綵衣先見二千石使翁姓字千載香

醉別王侍郎歌

侍郎王公蓋以都御史撫關中上疏乞休因
援筆賦此以送

春陽遲遲倉庚鳴我公東歸旌旆揚蒸黎連絡啼路
傍慈母欲去安所望牽帷扳駕心皇皇行道之人咸
感傷繫自我公來撫堂吏就典列民用襄劑量伸縮
心百方拯拯提挈如被戣使者冠蓋徒相仍固閉不
得爲民殃文移反覆千萬箱借措却惱司空郎公身
雖去德在民公德在民民忍忘掇拾民意述此章惟

公保愛履嘉祥華山高高摩穹蒼大河逶迤接扶桑

西土令聞同穹長秦民世世賴休光天子仁聖思殷

肱公當不久還巖廊公德旁布四海康千秋萬歲永

壽昌

泮東藝圃作

我非漢陰叟灌園漳水東處世本無機巧心胡爲枯
樗懸此中園丁再拜向我語此意千古誰可通舟車
亦是古帝作胡不辭去存古風言者自有託讀者自
無窮坂泉之戰至今誦安用區區矢與弓

簡華巖

常作華山遊遂為華山客愛君小樓當華山日日開
簾玩山色偶逢方平跨鶴來握手而語若有得便欲
同君鍊九霞勿使紅顏坐銷歇

五言律詩

同年劉丹稜見過道及已未下第會孟津塗中
事感而賦此

自別河陽驛於今二十年轟厖憂正急傾覆意常懸
共濟歡無極同歸事可憐此時俱尚老語及欲潸然

八月初十日仲修見過

長安相餞後倏忽又秋風伏枕渾三月微醫賴兩公
世人惜賈傅予意得王充努力趣吾道乾坤若轉蓬

釀酒

吾道仍須酒秋分釀更宜便當炊百石猶未足千巵
行樂年空暮聞歌日尚遲風流杜陵老傾倒是吾師

懷太微

太微清苦士弱冠卽知名英氣千人廢新詩四座驚
愛身辭一芥當士陋諸生可惜龍光劍悠悠閉斗城

答伯循

抱病臥林壑思君安可親忽蒙枉書札便已愜心神
曲藝竟何益虛名常愧人汴東有垂柳堪送百年身

喜仲默至

二月高陵縣逢君發慶陽十年方邂逅百歲幾徜徉
詞賦名須久安危望已長青尊今夜月好醉滄西堂
彭麓詩和白坡提學與諸公見過之作

返耕得茲麓習靜欲長年山水向春碧烟霞當暮妍
結廬垂四壁枉駕辱諸賢遺典沽村酒呼童鳴綠絃
八月十五日喜明叔見過

長空雲氣靜今夜月偏明且喜高人至猶憐湛露生
金波搖桂影彩鳳落瑤笙瀟洒王夫子飄飄共此情

課子

爾愛文章事應知著力難涵容須有日操縱亦多端
大義如分燭圓機自躍丸果能追古作先向老夫看
有所思

繫自辭京邑遥遥十六年婚姻謝兒女遊眺歷山川
總謂終聊爾誰知事偶然憂來唯灑淚魂逐夜臺邊

覽鏡

愁裏窺明鏡驚看白髮多行年自驅迫服食謾如何
有相終巖穴無機任薜蘿平生憂國志何惜酒中過

綠野書院作

不到幽棲處悠悠將十春古堂懸見日靜地寂無塵

羶豆思周禮威儀憶魯蘋愧非程伯子何以坐松筠
次張闇夫見過之作

獨好中林隱因家清渭川園開溪盡處山合水西邊
曲藝明時棄長歌稚子傳已深疎曠志不是欲遊仙
二月十一日同德充弟憇潯西觀杏花因共小

酌
出郭望精舍滿牆皆杏花香風當戶合艷影入林斜
日煖烟生玉春晴錦映霞興來呼酒坐不必問年華

高陵道中懷呂仲木
寂寞高陵縣慙慙懷大防義於昆弟切情視范張長

累辱馳音問聊能達報章總令瞻第宅那復共徜徉
渡渭

吾亦愛滄洲春風信所遊不須歌桂棹渾勝坐蘭舟
濁浪排風起輕帆及岸收稍東瞻太華遙在碧雲頭

過劉水部故宅

水部風流古云亡亦有年重來因問訊孤坐思凄然
孫子猶儒服門牆托市廛向時豪爽論誰爲世人傳
涇陽道中懷懋君

官舍草初青君應坐小亭謾吟誰共續高論我常聽
莫歎馮唐老終期阮籍醒由來丈夫志唾手出青冥

望歆湖城東別業

自出華山道時時懷此翁名園春定好佳節遠誰同
社稷思君實文章畧季通望中歡喜極若坐小樓東

鹿苑懷太微

鹿苑何王殿明時尚賜秦芳林春禩日幽草晝眠麕
畝畝餘生計乾坤信此身西京誰欲賦韋曲有詞人

望龍池懷汝濟吏部

小殿俯芳林丹臺挹翠岑重來多好興孤眺愜春心
時序關華髮邱園愛短吟如何韓吏部已放二毛侵

望鄆

容謝鄆橋道逶迤紫閣陰雲霞餘夕照花柳暗春林
燈火城中出星河望裏沉不知王逸少何處賞偏深

羨陂宅逢歆湖

方作城南別重為鄆杜逢豈期塵霧裏今日見人龍
邂逅非無意醅醕諒可從明朝予北去何處望仙蹤

水北山房作二首

錄一首

水北君歸隱匆匆十五年我來重極目疑似岳陽川
樓閣參差裏亭臺杳靄邊鳥聲聽不盡花底有鳴絃

經暖泉宅

二曲交遊客如君信不多幾時違咲語荒塚已烟蘿

却望題詩處其如灑淚何謾看憂樂事千古一南柯

午霽發彭麓

復從車馬去何以遂襟期始信山林趣全歸燕暇時
霽雲隨望薄流曜落秋遲不及東巖子常御濁酒卮

過春雨亭作

再過此亭下森疎真可人樊牆俱勝昔花柳忽如春
總得林間趣偏宜物外身修篁軒後出何啻萬竿新

陂頭

月首雙流細森疎萬木長遶溪蒲粉落夾路稻花香
所向皆殊絕平看却渺茫幾時同郭叟伐竹構菡堂

華州逢楊重夫

一自京華別悠悠十七年形容常入夢咲語竟無緣
豈憶窮冬日相逢華岳前無能共杯酒相對益凄然

渭南逢楊靜修韓秀夫孟望之三君子

詣華情空切相過意已深那知百年裡又此一沾襟
兒女方粗了存亡忽見尋吾生何日定對酒若爲心

贈平田

不見平田子匆匆已二年再聆絕交論應咲養生篇
晴日園花細春風榭柳懸不知遊樂處誰是竹林賢

臨川寺與郭令王念覺夜坐

多君省春野逢我遇仙宮共宿臨川寺徘徊及夜中
絃歌興漢邑恭儉卽邠風更聽憂時論何慙底柱功

終南路氏少憇

不到幽人舍匆匆又五年檻花交砌密園果出牆懸
夾路皆清蔭當階過碧泉微風沾客坐吟望興翛然

再用漢陂韻答希大

羨君天下士猶戀碧山遊盛世須英物明珠肯暗投
秋風桑柘里晴日鳳凰樓語及箕裘事生兒已食牛

栗爲許邀萬柳庄集夜坐率爾有懷

汝向名園去佳遊興若何柳溪須對月花塢且停歌
不寐杯空瀉微吟思轉多老來心數仄徒倚立庭柯

靈寶客邸逢慎之

客帶燕臺久春深始到家異鄉驚見汝歸思渺無涯
但酌春農酒休言村曲花我來應首夏知剩幾枝斜

泮東亭子閒坐二首

錄一首

掃地坐芳草闌斑如錦茵况有青蓮幕偏宜烏角巾
經綸辭壯志萋斐得閑身不作醅醕飲桃花亦咲人

湯泉亭子小坐

山雨幸初霽微風猶峭寒峰高常帶雪湍殺不成瀾
野鹿含芝過山鷄隔竹看碧桃多半落若可柰春殘

真空寺

拂霧尋山寺，籃輿上轉輕。
曉雲生石細，旭日映巖明。
梵磬遙空出，天花夾路迎。
何須似摩詰，方是學無生。

寄翟石門

今日汧陽發，知當宿鳳翔。
中秋亦何幸，同子滄清光。
巘外來旌節，雲間下鳳凰。
白頭疎曠久，徒倚望原岡。

奉天別漁石司寇

臘日暖如春，君歸謁紫宸。
一尊奉天酒，千古五陵人。
劍佩勤邊遠，風雲入夢新。
明時逢聖主，令世滄清塵。

寄壽邢母

近日觀風使，賢郎獨擅名。
熊丸勤昔教，鳳詔遞今聲。
八袞慈闈福，三時令子情。
瑤池靈藥下，可上百年榮。

五言排律

奉壽東原先生

間氣扶鴻化，昌時得鉅儒。
我師關輔彥，高義古今逾。
執禮欽程伯，言文陋董狐。
數竒場屋蹇，道在性情俱。
未薄常州幕，何慚楚澤虞。
居貧餘豈弟，望重極樞趨。
桃李乘春徧，芝蘭接歲殊。
素心原不染，積玉詎求沽。
遲日明仙館，靈光拂壽圖。
願餐千載藥，與世作規模。

七言律詩

得粹夫書

十七年來閒濶情三千里外惜羣鳴開緘不覺懸雙
淚欲見還知隔一生王屋空聞小有宅終南今作漢
陂行舊時多少雲霄客屈指何人記昔盟

寄李承裕二首

錄一

三春數枉故人書去使虛無報德疎幸有輜車堪問
訊誰能感事不躊躇西亭素壁愁經眼此日安危切
跂予待得昇平十年後東岡休負草堂居

獨坐

梓里逍遙又一年風光何處不堪憐鳴禽應谷聲逾
碎露菊侵堦影自圓無病有時看碧水多情終日臥
蒼煙斜陽牧笛從吾意漉酒呼隣興渺然

秋意

此日秋風絕可人年時炎溽尚傷神且看曉色清如
洗轉覺寒光翠欲嘖松下有時雙鶴舞溪邊無數白
鷗馴便須酌酒酬心事莫謾支吾愧此辰

答蔡承之見贈之作

故人清晨來叩廬野人尚作深巖居握手掃地坐相
語憶昔交遊俱不如情真喚婦饌鷄黍道厚撫躬慚
緒餘多病尋常少筋力感慨直欲凌空虛

十六夜有雲翳薄月尋復開霽

昨日見月賞不及今夜月來雲亦開已促新詞翻楚
調却疑清影落陽臺冰輪果愜詩人意玉椀當酬白
雲才新病欲瘳仍諱飲不勝高興謾含杯

從仙遊行入黑水谷五里草房凹作

谷口尋源入漸深回巒相接晝陰陰嶼禽掠水應愁
下野鶴穿雲太不禁暝接草房烟漠漠樹當岩岫綠
森森重遊始得名山趣老去翻慚少日心

留別太微

養生無狀病經旬藥裹緣君更有身明日西歸休恨
別他時相見却驚人稽康徒作形神論魏野終非翰
墨臣早晚南山雲氣發請君天際望綸巾

送張汝賢

山居久謝風雲使今日西堂爲子開三百同年誰更
好八千滇水幾時來循良作郡紆民力落魄逢人愛
酒杯青鏡霜髭吾亦老驪歌汀柳不勝哀

江頭

江頭橫槩任羣兇過臘經春未息蹤祇以官輪相通
迫豈能比屋自從容尚憂巴蜀仍多事莫倚秦雍足
利鋒聞道軍衙更節鎮東方黎庶益洶洶

答用昭德光

年來唯與白鷗羣春暮誰知兩見君幸有青尊須縱
飲况當明月更論文山房迤邐濃花發草閣迂廻野
徑分長句短吟俱大雅朱輪華轂正浮雲

十六夜次韻

不見清輝又隔年人生能得幾回圓登樓漫落千山
雨憶第空瞻萬里天欲遣倦懷須貰酒爲酬佳節強
登筵亦知潦倒爲吾事燭影歌聲入夜偏

憶昔

憶昔承明侍從朝先皇端拱似神堯萬家簫鼓傳雙

闕三殿風雲護九韶劔珮緩歸青瑣夕蠻夷通款越
裳遙可憐湖上龍飛後人事官曹漸寂寥

過渭川草堂

渭川草堂清渭濱無數好花開暮春小牕不受風雨
逼爛醉豈憂兒女嗔數椽自可藉疎豁百畝誰曾辭
賤負憑君分我萬竿竹令我因以東卜鄰

薦福寺將發值歆湖太微二子來餞

禪堂晨起惜清幽野客西歸興不休兩妙過予應恨
別隔年同此足消憂林花掩映香臺落旭景霏微寶
鏡浮自古城南名勝地何時極意徧追遊

駝峯絕頂眺望 在岐山

駝峯孤眺鬱嵯峨自覺西來樂事多
千折笑看洪水細雙巖不見白雲過
周公禮樂空遺廟謝傅風流有浩歌
太白南瞻真咫尺關中佳氣近如何

第一關次聯句韻上邃菴先生

拂曙披雲到此關喜隨綦履望名山
芙蓉半出青天外沆漑中分白石間
定有神功扶帝力豈須靈藥駐衰顏
攀蘿未覺尋行倦細和新詩及暮還

趙使君後堂同東谷太微太華諸君子集

使君愛客宴閒堂客醉歌狂殊未央
自以笑言偕四

俊虛疑時序到重陽炎天過雨先銷暑
美酒當筵豈論觴且日東征更疎濶
贈予何惜遠遊章羣公相見亦憂時事
勢推移却未知豈有明王崇俊好總緣
中使辱恩私典刑具在公平法臺諫何
勞激烈辭倚塵漫思忠獻議英雄當事
蓋如斯

荅希宋侍御雨中見懷

空堂雷雨送微寒愛汝修修竹萬竿
安得雲霄乘羽翼一過臺榭重游觀
園英帶濕皆凝碧牆柿須秋始放丹
我已炎蒸愁作客君應迤邐卜新歡

樓觀二首

仙家樓觀俯層岑春色透迤萬木陰檻外歌聲初迤
選寰中人事幾銷沉誰將玉醴傳金椀自欲浮生憇
此林本是無心名利客悔教華髮到如今
危樓迥對一峯孤哀壑平連萬頃蕪摩詰畫圖空掩
映伯陽道德豈虛無方西澗谷漢馳道直北河山周
故都風土不殊人事異誰將縣廨問司徒

三月初九日過潯西看牡丹

今日潯西開牡丹攜兒漉酒坐相看穠花自識春風
好接葉休爲夜雨殘深夜紫泥巢翡翠層樓朱檻宿
鷓鴣衰容任遣韶華逼幽抱常教酪酊寬

年年高宴賞花天明日花開賞更偏昆弟總能吟五
字兒童不必報三鱸承顏幸有步兵叔行樂何須盧
女絃已促行厨烹玉鯉好隨佳節醉瓊筵

初八日候諸公不至同岐東南川於潯西賞花

各賦七言律二首

佳辰每作看花燕老去風流亦可憐草閣於吾非漫
興花谿同汝試鳴絃紅英且莫交春暮綠醕還期醉
月邊千古豪華誰更在請將青鏡問流年

卜築於茲三十春年來忙似宦遊人羞將白髮隨兒
戲且向青山着此身海內賓朋消息斷林間風月酒

孟新長吟何必如張翰短酌從他笑李紳

彭麓山房答太微見候

君從二曲城西去我向雙厓月下歸
夕日烟雲迷遠寺晴天花柳暗
春扉嬌鶯過巘娟娟語乳燕衝波
故飛對景相思期痛飲憑君莫自惜羅衣

奉天逢錦夫望之汝公三君子

諸君並是風流客殢酒微歌我不如
十載飄零渾一夢百年問訊祇雙魚
詩篇尚憶同趨省組綬空憐共直廬
白髮青袍吾獨老媿從揚子問潛虛

贈行邊使

列鎮迎恩介冑雄赭袍遙映寒雲紅
武臣敵愾餘虢虎聖主憂時起臥龍
天上使星臨閭外斗間紫氣照關中
長城萬里今增重不數平淮一綫功

五言絕句

渡渭南望二首

錄一

水際孤雲合船頭細浪生
青山飛白鷺綠竹嘯黃鶯
十月奉迎長洲叔泊諸昆賞花值雨不果
錄二首

七言絕句

扶風道中十四首

錄四

對山文集 卷之十
郵亭新柳厭春陰驛路黃塵銷客心碧水蒼山予未
晚衰容短鬢爾何侵

鳳泉東是美陽城秦后離宮跡已平細草不知龍輦
去城邊日日喚愁生

許公碑石尚參天科斗消磨不記年公子經綸唐第
一鄉邦述作近誰先

夕陽隱隱抱孤村知是何王驄馬原龍種自隨形蓋
去人烟常傍廐門繁

去年二月九日與德充德一二弟泊子栗過此
各賦小詩十餘首今日杏花開二弟復至悟

省舊作有待得函關公事了年年沉醉杏花

天及年年花發年年醉更乞天公六萬場之
句因次原韻再賦十首

歲歲看花花已飛花神若恨賞來遲今年坐賞花纔
發却到春風第幾枝

新來無事已堪憐春服初成二月天同醉花前不同
賦轉看金谷意蕭然

此日庭柯盡著花老夫逸興正無涯崦西莫羨千株
柳水際先看一帶霞

五十五年纔不忙清尊同汝有誰妨行歌正恐花陰

短大椀那論飲興長

謾省年時醉裡詩便須極意飲金卮幸無辛苦輸公
事却看風流在水涯

西堂新釀酒如泉還我南牕酒聖編有景便看看便
醉古今人裡讓誰先

繁絃劇管坐花前轉覺春園花可憐若把花枝對明
月紅英笑殺鏡中天

我醉君歌興灑然不知花影坐中遷須教醕酎同今
日那許蕭條似去年

繫自還京願不違柳邊花底坐忘歸新詩美酒朝朝

樂莫管春歸花亂飛

好句吟成便寫牆老來日日為春狂天公有意隨吾
好別借春遊十萬場

呂子北泉精舍宴集

北泉精舍菊花開節過重陽我始來坐對菊花酬節
物危樓南眺望登臺

自擬重陽醉此樓不堪詩酒作淹留狂夫老去情逾
放笑折黃花插滿頭

去年與客賞重陽痛飲溪亭遲日光今日月明情興
爽何辭三萬六千場

月白花黃酒又清長河恨不入杯傾人間富貴同飄
瓦何物空教誤此生
此生疎曠絕堪嘆遇酒逢花便不馴身外悠悠無染
着胷中的的有陽春

邑後學

張廷梅與松

校字

孫燮午卿

邑後學

張廷梅與松

孫燮午卿

邑後學

